

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE**

Broj: 01- 45-20161 /23

\*\*\*\*\*

**ZAPISNIK  
S TRIDESETŠESTE SJEDNICE  
GRADSKOG VIJEĆA ZENICA  
održane 27. JULA 2023. godine**

\*\*\*\*\*

**JULI, 2023. godine**

**ZAPISNIK S 36. SJEDNICE GRADSKOG VIJEĆA ZENICA,  
ODRŽANE 27.07.2023. GODINE**

Sjednica je počela s radom u 10.12 sati.

Sjednicom je predsjedavao Mirza Husetić, predsjedavajući Gradskog vijeća Zenica, koji je nakon uvodnog pozdrava konstatovao da 36. sjednici Gradskog vijeća prisustvuje 25 vijećnika, te da Vijeće može punovažno odlučivati. Odsustvo sa sjednice najavili su vijećnici Emina Tufekčić i Sanjin Aldobašić.

Predsjedavajući Vijeća zatim je pročitao prijedlog dnevnog reda za 36. sjednicu Vijeća kako slijedi:

1. a) **Zapisnik s 35. sjednice Gradskog vijeća Zenica, održane 13.06.2023. godine**  
b) **Zapisnik s tematske sjednice Gradskog vijeća Zenica, održane 27.06.2023. godine**
2. **Prijedlog Odluke o naknadama za korištenje podataka i pružanje usluga iz oblasti katastra komunalnih uređaja Grada Zenica**  
IZVJESTILAC: Edina Terzić, šef Odsjeka za geodetske poslove, katastar nekretnina i komunalne uređaje
3. **Prijedlog Zaključka kojim se daje saglasnost Društvu ALMY d.o.o. Zenica za izmještanje vodovodne linije i vodomjernog okna unutar parcela k.č.n.p. 503 i 494 k.o. Zenica II za potrebe rekonstrukcije poslovnog objekta „ASA BANKA“ u ulici Trg BIH broj 1**  
IZVJESTILAC: Azra Hajdarević, šef Odsjeka za imovinsko-pravne poslove
4. **Informacija o opremljenosti službi zaštite i spašavanja na području Grada Zenica**  
IZVJESTILAC: Muamer Kovač, pomoćnik Gradonačelnika za civilnu zaštitu
5. a) **Program organizovanja sezone grijanja 2023./2024. godine**  
b) **Odluka o cijeni isporučene toplotne energije za grijanje stambenog i poslovnog prostora grada Zenica u sezoni grijanja 2023./2024. godine**  
IZVJESTILAC: Vahdet Drino, direktor JP „Grijanje“ d.o.o. Zenica
6. **Nacrt Strategije razvoja Grada Zenica za period 2023.-2027. godine i Akcioni plan za period 2023.-2025. godine**  
IZVJESTILAC: Senad Pašalić, direktor Zeničke razvojne agencije „ZEDA“ d.o.o. Zenica
7. **Dopunjeni - korigovani Izvještaj o radu Gradskog pravobranilaštva Zenica za period 01.01.-31.12.2022. godine**  
IZVJESTILAC: Zlatko Osmanović, gradski pravobranilac
8. **Poduzimanje hitnih mjera u vezi sa rješavanjem statusa bivšeg zeničkog odmarališta „Duće“ u Republici Hrvatskoj**  
IZVJESTILAC: Zlatko Osmanović, gradski pravobranilac

U prijedlog dnevnog reda za 36. sjednicu uvrštene su dvije dopune prijedloga dnevnog reda: 1. Prijedlog Odluke o usvajanju kataloga potencijalnih projekata javno-privatnog partnerstva, s 28 glasova „ZA“, bez glasova „PROTIV“ i bez glasova „UZDRŽAN“ i 2. Inicijativa za pripremu prijedloga odluke o zabrani ulaska teretnih motornih vozila u gradsku zonu, s 28 glasova „ZA“, bez glasova „PROTIV“ i bez glasova „UZDRŽAN“, koju je predložio Semir Huseinović, zamjenik predsjedavajućeg Vijeća. Vijeće je prihvatilo prijedlog vijećnika Malika Ejubovića da se prva dopuna zbog svoje važnosti razmatra kao druga tačka dnevnog reda. Također, Vijeće je prihvatilo da drugu dopunu razmatra kao treću tačku dnevnog reda za današnju sjednicu.

O prijedlogu zaključka vijećnice Emine Babić da se s dnevnog reda za današnju sjednicu skine Nacrt Strategije razvoja Grada Zenica 2023.-2027., te da se organizuje tematska sjednica u roku od dva mjeseca, uz obavezu predlagača da se sazovu nezavisni stručnjaci iz oblasti koje obrađuje Strategija, Vijeće se izjasnilo glasanjem sa 6 glasova „ZA“, 12 glasova „PROTIV“ i bez glasova „UZDRŽAN“, pa je predsjedavajući Vijeća Mirza Husetić konstatovao da ovaj prijedlog nije dobio potrebnu većinu.

Vijeće se zatim izjasnilo glasanjem o prijedlogu dnevnog reda za 36. sjednicu i s 23 glasa „ZA“, bez glasova „PROTIV“ i 6 glasova „UZDRŽAN“ usvojilo sljedeći

#### **D N E V N I R E D:**

- Tačka 1. a) Zapisnik s 35. sjednice Gradskog vijeća Zenica, održane 13.06.2023. godine  
b) Zapisnik s tematske sjednice Gradskog vijeća Zenica, održane 27.06.2023. godine
- Tačka 2. Prijedlog Odluke o usvajanju kataloga potencijalnih projekata javno-privatnog partnerstva
- Tačka 3. Inicijativa za pripremu prijedloga odluke o zabrani ulaska teretnih motornih vozila u gradsku zonu
- Tačka 4. Prijedlog Odluke o naknadama za korištenje podataka i pružanje usluga iz oblasti katastra komunalnih uređaja Grada Zenica
- Tačka 5. Prijedlog Zaključka kojim se daje saglasnost Društvu ALMY d.o.o. Zenica za izmještanje vodovodne linije i vodomjernog okna unutar parcela k.č.n.p. 503 i 494 k.o. Zenica II za potrebe rekonstrukcije poslovnog objekta „ASA BANKA“ u ulici Trg BIH broj 1
- Tačka 6. Informacija o opremljenosti službi zaštite i spašavanja na području Grada Zenica
- Tačka 7. a) Program organizovanja sezone grijanja 2023./2024. godine  
b) Odluka o cijeni isporučene toplotne energije za grijanje stambenog i poslovnog prostora grada Zenica u sezoni grijanja 2023./2024. godine
- Tačka 8. Nacrt Strategije razvoja Grada Zenica za period 2023.-2027. godine i Akcioni plan za period 2023.-2025. godine
- Tačka 9. Dopunjeni - korigovani Izvještaj o radu Gradskog pravobranilaštva Zenica za period 01.01.-31.12.2022. godine
- Tačka 10. Poduzimanje hitnih mjera u vezi sa rješavanjem statusa bivšeg zeničkog odmarališta „Duće“ u Republici Hrvatskoj

Izvještaji komisija Vijeća dostavljeni su pred sjednicu.

Nakon usvajanja dnevnog reda predsjedavajući Vijeća je u 10.30 sati dao pauzu do 12.00 sati radi polaganja cvijeća i odavanja počasti na spomen-obilježju Smetovi povodom obilježavanja 27. jula, Dana ustanka naroda Bosne i Hercegovine. Sjednica Vijeća je nastavila s radom u 12.23 sati.

- Tačka 1. a) Zapisnik s 35. sjednice Gradskog vijeća Zenica, održane 13.06.2023. godine**  
**b) Zapisnik s tematske sjednice Gradskog vijeća Zenica, održane 27.06.2023. godine**

Zapisnici s 35. i tematske sjednice Gradskog vijeća Zenica usvojeni su bez primjedbi s 22 glasa „ZA“, bez glasova „PROTIV“ i bez glasova „UZDRŽAN“.

#### **Tačka 2. Prijedlog Odluke o usvajanju kataloga potencijalnih projekata javno-privatnog partnerstva**

Uvodne napomene za ovu tačku dnevnog reda dao je Mirsad Heleg, savjetnik Gradonačelnika za komunalne djelatnosti i infrastrukturu.

U diskusiji su učestvovali vijećnici: Malik Ejubović, Šerif Patković, Namir Škaljo, Amel Šišić, Nermin Mehić i Mahdi Alić.

U raspravi su učestvovali Fuad Kasumović, Gradonačelnik Grada Zenica i Mirsad Heleg, savjetnik Gradonačelnika, koji je odgovorio na usmeno postavljena pitanja vijećnika učesnika u raspravi.

Gradonačelnik je u svojstvu predlagача akta prihvatio prijedlog vijećnika Malika Ejubovića da se Prijedlog Odluke o usvajanju kataloga potencijalnih projekata javno-privatnog partnerstva razmatra u formi nacrtu i uputi na javnu raspravu u trajanju od 45 dana, pa su po zaključenju rasprave o ovoj tački dnevnog reda vijećnici s 20 glasova „ZA“, 1 glasom „PROTIV“ i 5 glasova „UZDRŽAN“ donijeli

#### **Z A K L J U Č A K**

o utvrđivanju i upućivanju na javnu raspravu  
Nacrtu Odluke o usvajanju kataloga potencijalnih projekata  
javno-privatnog partnerstva

#### **I**

Utvrđuje se Nacrt Odluke o usvajanju kataloga potencijalnih projekata javno-privatnog partnerstva.

## II

Nacrt Odluke iz tačke I upućuje se na javnu raspravu, u trajanju od 45 dana od dana održavanja sjednice Gradskog vijeća, svim učesnicima javne rasprave - gradskim službama, političkim subjektima koji imaju vijećnike u Gradskom vijeću Zenica, nezavisnom vijećniku, samostalnom vijećniku, javnim preduzećima, javnim ustanovama, mjesnim zajednicama, privrednim subjektima, građanima, kao i svim drugim zainteresiranim subjektima.

## III

Pisane primjedbe, prijedlozi i sugestije na Nacrt Odluke iz tačke I dostavljaju se savjetniku Gradonačelnika za komunalne djelatnosti i infrastrukturu najkasnije do 11.09.2023. godine u pisanoj formi putem Protokola Grada Zenica ili u elektronskoj formi na e-mail adresu: (mirsad.heleg@zenica.ba).

## IV

Zadužuje se obrađivač da, kod izrade prijedloga odluke, uzme u obzir sve blagovremene i uredne primjedbe, prijedloge i sugestije dostavljene u toku javne rasprave, kao i prijedloge i sugestije iznesene na sjednici Gradskog vijeća Zenica.

## V

Ovaj zaključak stupa na snagu danom donošenja i bit će objavljen uz Nacrt Odluke iz tačke I na web stranici Grada Zenica.

### **Tačka 3. Inicijativa za pripremu prijedloga odluke o zabrani ulaska teretnih motornih vozila u gradsku zonu**

Uvodne napomene za ovu tačku dnevnog reda dao je Semir Huseinović, zamjenik predsjedavajućeg Vijeća u svojstvu predlagача ove tačke dnevnog reda.

U raspravi o ovoj tački dnevnog reda niko nije učestvovao.

Vijeće je s 25 glasova „ZA“, bez glasova „PROTIV“ i bez glasova „UZDRŽAN“ donijelo

## Z A K L J U Č A K

### I

(1) Usvaja se inicijativa za pripremu prijedloga odluke o zabrani ulaska teretnih motornih vozila u gradsku zonu.

Inicijativa iz prethodnog stava je sastavni dio ovog zaključka.

### II

Zadužuje se Služba za vodoprivredu, putnu infrastrukturu i mjesne zajednice da do 01.10.2023. godine Gradskom vijeću Zenica dostavi tekst prijedloga odluke iz tačke I na usvajanje.

### III

Ovaj zaključak stupa na snagu danom donošenja.

### **Tačka 4. Prijedlog Odluke o naknadama za korištenje podataka i pružanje usluga iz oblasti katastra komunalnih uređaja Grada Zenica**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici Emina Babić i Namir Škaljo. U raspravi je učestvovala Edina Terzić, šefica Odsjeka za geodetske poslove, katastar nekretnina i komunalne uređaje koja je odgovorila na pitanja vijećnika učesnika u raspravi.

Predsjedavajući Vijeća je zbog tehničkih smetnji u radu mikrofona u 13.09 sati dao pauzu u trajanju od 10 minuta, pa je sjednica nastavila s radom u 13.21 sati.

Po zaključenju rasprave, vijećnici su s 25 glasova „ZA“, bez glasova „PROTIV“ i 3 glasa „UZDRŽAN“ usvojili Prijedlog Odluke o naknadama za korištenje podataka i pružanje usluga iz oblasti katastra komunalnih uređaja Grada Zenica.

### **Tačka 5. Prijedlog Zaključka kojim se daje saglasnost Društvu ALMY d.o.o. Zenica za izmještanje vodovodne linije i vodomjernog okna unutar parcela k.č.n.p. 503 i 494 k.o. Zenica II za potrebe rekonstrukcije poslovnog objekta „ASA BANKA“ u ulici Trg BIH broj 1**

Nije bilo potrebe za uvodnim napomenama.

Vijećnik Nermin Mehić prezentovao je stav Komisije za prostorno planiranje i ekologiju u vezi s ovom tačkom dnevnog reda.

Komisija za prostorno planiranje i ekologiju je predložila Vijeću da se prijedlog zaključka kojim se daje saglasnost Društvu ALMY d.o.o. Zenica za izmještanje vodovodne linije i vodomjernog okna unutar parcela k.č.n.p. 503 i 494 k.o. Zenica II za potrebe rekonstrukcije poslovnog objekta „ASA BANKA“ u ulici Trg BIH broj 1 usvoji uz dopunu pod tačkom III - „U slučaju izvođenja bilo kakvih građevinskih radova od strane Grada Zenica na parcelama iz tačke I ovog zaključka, Društvo Almy d.o.o. Zenica obavezuje se da o vlastitom trošku izmjesti vodovodnu liniju i vodomjerno okno“.

Vijećnici su se izjasnili glasanjem o Prijedlogu Zaključka kojim se daje saglasnost Društvu ALMY d.o.o. Zenica za izmještanje vodovodne linije i vodomjernog okna unutar parcela k.č.n.p. 503 i 494 k.o. Zenica II za potrebe rekonstrukcije poslovnog objekta „ASA BANKA“ u ulici Trg BIH broj 1 s predloženom dopunom, te isti usvojili s 28 glasova „ZA“, bez glasova „PROTIV“ i bez glasova „UZDRŽAN“.

#### **Tačka 6. Informacija o opremljenosti službi zaštite i spašavanja na području Grada Zenica**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Elvis Alijagić, Namir Škaljo, Ekrem Tuka, Emina Babić, Denan Pašalić i Šerif Patković. Muamer Kovač, pomoćnik Gradonačelnika za civilnu zaštitu odgovorio je vijećnicima učesnicima u raspravi na pitanja postavljena u toku rasprave.

Po zaključenju rasprave Vijeće je jednoglasno s 27 glasova „ZA“, bez glasova „PROTIV“ i bez glasova „UZDRŽAN“ usvojilo Informaciju o opremljenosti službi zaštite i spašavanja na području Grada Zenica.

#### **Tačka 7. a) Program organizovanja sezone grijanja 2023./2024. godine**

##### **b) Odluka o cijeni isporučene toplotne energije za grijanje stambenog i poslovnog prostora grada Zenica u sezoni grijanja 2023./2024. godine**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici: Mahdi Alić, Halil Arnaut, Emina Babić, Semir Huseinović, Kenan Alispahić i Nermin Mehić. U raspravi su učestvovali Gradonačelnik Fuad Kasumović i Vahdet Drino, direktor JP „Grijanje“ d.o.o. Zenica dajući određena pojašnjenja i odgovore na pitanja vijećnika učesnika u raspravi.

Vijećnica Emina Babić podnijela je amandman za izmjenu člana 7. stav 3. Odluke o cijeni isporučene toplotne energije za grijanje stambenog i poslovnog prostora grada Zenica u sezoni grijanja 2023./2024. godine koji nije prihvaćen. Vijećnik Halil Arnaut je, nakon pojašnjenja, odustao od prijedloga za izmjenu u članu 6. stav (2) Odluke o cijeni isporučene toplotne energije.

Po zaključenju rasprave o ovoj tački dnevnog reda, Vijeće je s 20 glasova „ZA“, bez glasova „PROTIV“ i 4 glasa „UZDRŽAN“ usvojilo Program organizovanja sezone grijanja 2023./2024. godine i dalo saglasnost na Odluku o cijeni isporučene toplotne energije za grijanje stambenog i poslovnog prostora grada Zenica u sezoni grijanja 2023./2024. godine.

#### **Tačka 8. Nacrt Strategije razvoja Grada Zenica za period 2023.-2027. godine i Akcioni plan za period 2023.-2025. godine**

Nije bilo potrebe za uvodnim napomenama.

U raspravi o ovoj tački dnevnog reda učestvovali su vijećnici Emina Babić, Namir Škaljo i Šerif Patković. U raspravi je, također, učestvovao Senad Pašalić, direktor Zeničke razvojne agencije „ZEDA“ d.o.o. Zenica u svojstvu izvjestioca.

Po zaključenju rasprave Vijeće je s 21 glasom „ZA“, bez glasova „PROTIV“ i 3 glasa „UZDRŽAN“ donijelo

### **Z A K L J U Č A K**

#### **I**

Utvrđuju se Nacrt Strategije razvoja Grada Zenica 2023.-2027. i Akcioni plan za period 2023.-2025. godine, te upućuju na javnu raspravu u trajanju od 60 dana.

#### **II**

Nacrt Strategije razvoja Grada Zenica 2023.-2027. i Akcioni plan za period 2023.-2025. godine upućuju se na javnu raspravu učesnicima javne rasprave - gradskim službama, političkim subjektima koji imaju vijećnike u Gradskom vijeću Zenica, javnim preduzećima, javnim ustanovama, mjesnim zajednicama, udruženju privrednika-poslodavaca i dr., uz poziv svim privrednim subjektima da se uključe u javnu raspravu.

### III

Pisane primjedbe, prijedlozi i sugestije na Nacrt Strategije i Akcioni plan iz tačke I dostavljaju se Službi za privredu, gradsku imovinu i upravljanje razvojem najkasnije do 25.09.2023. godine u pisanoj formi putem Protokola Grada Zenica ili u elektronskoj formi na e-mail adresu: (edina.hodzic@zenica.ba).

### IV

Zadužuje se obrađivač da, kod izrade prijedloga strategije, uzme u obzir sve blagovremene i uredne primjedbe, prijedloge i sugestije dostavljene u toku javne rasprave, kao i prijedloge i sugestije iznesene na sjednici Gradskog vijeća Zenica.

### V

Ovaj zaključak stupa na snagu danom donošenja i bit će objavljen uz Nacrt Strategije i Akcioni plan iz tačke I na web stranici Grada Zenica.

#### **Tačka 9. Dopunjeni - korigovani Izvještaj o radu Gradskog pravobranilaštva Zenica za period 01.01.-31.12.2022. godine**

Zlatko Osmanović, gradski pravobranilac u uvodnim napomenama je odgovorio na primjedbe i pitanja vijećnika s prethodne sjednice Vijeća na kojoj je razmatran Izvještaj o radu Gradskog pravobranilaštva Zenica za period 01.01.-31.12.2023. godine i donesen zaključak da se Izvještaj o radu Gradskog pravobranilaštva Zenica za 2022. godinu vraća na doradu u smislu pripreme konkretnijih informacija o postupcima i preduzetim radnjama Gradskog pravobranilaštva u toku izvještajnog perioda.

U diskusiji o ovoj tački dnevnog reda su učestvovali vijećnici: Denan Pašalić, Nermin Mehić, Emina Babić, Šerif Patković i Ekrem Tuka.

Prije glasanja o Dopunjenom - korigovanom Izvještaju o radu Gradskog pravobranilaštva Zenica za period 01.01.-31.12.2022. godine, predsjedavajući Vijeća Mirza Husetić dao je u 16.09 sati pauzu od pet minuta, pa je sjednica nastavila s radom u 16.19 sati.

Nakon pauze, Vijeće se izjasnilo glasanjem o Dopunjenom - korigovanom Izvještaju o radu Gradskog pravobranilaštva Zenica za period 01.01.-31.12.2022. godine sa 6 glasova „ZA“, 7 glasova „PROTIV“ i 9 glasova „UZDRŽAN“.

#### **Tačka 10. Poduzimanje hitnih mjera u vezi s rješavanjem statusa bivšeg zeničkog odmarališta „Duće“ u Republici Hrvatskoj**

Kraće uvodne napomene za ovu tačku dnevnog reda dao je gradski pravobranilac Zlatko Osmanović.

U raspravi su učestvovali vijećnici: Šerif Patković, Nermin Mehić i Elvis Alijagić. Gradonačelnik je, također, učestvovao u raspravi, te predložio zaključak:

I - Da se delegacija Grada Zenica u sastavu Gradonačelnik, predstavnici Gradskog vijeća i predstavnici Gradskog pravobranilaštva Zenica sastane s ministrom pravde i ministrom vanjskih poslova Bosne i Hercegovine, u cilju rješavanja statusa bivšeg zeničkog odmarališta „Duće“ u Republici Hrvatskoj.

Po zaključenju rasprave, Vijeće je s 25 glasova „ZA“, bez glasova „PROTIV“ i bez glasova „UZDRŽAN“ usvojilo nacrt akta kojim se od Ministra pravde BiH, Ministra vanjskih poslova BiH i Vijeća ministara BiH zahtijeva što hitnije pristupanje procesu potpisivanja bilateralnih sporazuma s RH, u cilju rješavanja statusa bivšeg zeničkog odmarališta „Duće“ u Republici Hrvatskoj i prijedlog zaključka Gradonačelnika da se delegacija Grada Zenica u sastavu Gradonačelnik, predstavnici Gradskog vijeća i predstavnici Gradskog pravobranilaštva Zenica sastane s ministrom pravde i ministrom vanjskih poslova Bosne i Hercegovine, u cilju rješavanja statusa bivšeg zeničkog odmarališta „Duće“ u Republici Hrvatskoj.

Sjednica je zaključena i završila s radom u 16.45 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

  
PREDSJEDAVAJUĆI  
GRADSKOG VIJEĆA  
Mirza Husetić